


P366/3  
LUSOGA  
Paper 3  
July/Aug. 2024  
3 hours



## AITEL JOINT MOCK EXAMINATIONS.

### Uganda Advanced Certificate of Education

LUSOGA

(LITULICA MU LUSOGA)

**Olupapulo Olw'okusatu**

Saawa isatu.

### ENDAGIRIRO

*Olupapulo luno lulimu ebitundu bisatu A,B, ni C.*

*Iramu ebibuuozo bina (4) byonka nga bibiri obironda okuva mu kitundu B na kirala  
okuva buli mu kitundu A ni C.*

*Ebibuuozo byonabyona byagayaza obubonero.*

*Ebiswika mu byolagiriirwa okukola tibiidha kukeberwa.*

## **EKITUNDU A**

**EMPAYO N'ENFUMO ENHIMPI**  
*Iramu ekibuuzo kirala kyonka mu kitundu kino;*

**MOSES WAMBI NI NAKIRANDA MARTHA; Ebyeira Bisansuka.**

1. (a) Inhonhola emiramwa emikulu egiri mu lufumo lw'ebyeira bisansu.  
(obubonero 10)  
(b) Mitenderaki omughandiisi w'olufumo ebyeira bisansuka gyakozesa okutoolayo amakulu agali mu lufumo luno.(obubonero 15)
2. (a) Inhonhola byoghangha okwega okuva mu lufumo ebyeira bisansuka.  
(obubonero 15)  
(b)Inhonhola eneebisa ya Okonkwo mu kitabo, ebyeira bisansuka.  
(obubonero 10)
3. (a) Inhonhola emiramwa egiri mu lufumo lwo Ku Lusozi luno ng'ogha n'ebi'okuboneraku okuva mu lufumo. (obubonero 15)  
(b) Mwambu mulenzi aidhwire ebirooto kamaala byayenda oktuukiriza aye mu kubituukiriza abise mu kusoomoozebwa okw'amaanhi einho. Nga omusomi asomyeku ku lufumo olugema ku Mwambu, itootoola ebitumuguuna ebimusoomooziiza. (obubonero 10)
4. (a) Bukodyoki omughandiisi w'olufumo ku lusozi luno bwakozesa okuteekateeka emboozie eno. (obubonero 15)  
(b)Inhonholaku ebigema ku Unoka mu lufumo Ebyeira bisansuka.  
(obubonero 10)

## **EKITUNDU B**

## **KITONTOME NA MBOOZI**

*Mu kitundu kino iramu ebibuuzo byombiriri.*

5. *Soma ekitontome kino ghaifo omale oiremu ebibuuzo ebiiririra ku nkomerero yaakyo.*

### **Endoboozi ! Endoboozi!**

Endoboozi kintu kibi inho!  
Endoboozi etukalanga bubi .  
Endoboozi eita ebisimbe olutali olwo.  
Endoboozi esaaniagho ebisolo mu daakiika.

Endoboozi teroodheka!  
Abantu batya akasana akangi.  
Ebisolo bitya akasana akanene.  
Ebisimbe bitya akasana akamamula.  
Ebisiisa bisensera okw'akasana.  
Endhuki dhiraluka olw'akasana.  
Obulumba akasana kabuuzinhuusa.  
Embiidhi dha mulunguka olw'akasana.  
Obusimizi busenseduka olw'akasana.

Kabasa alaluka oti musota mukube gwaku olw'akasana.  
Embwa dheyasayasa olw'akasana  
Ensanafu dhekweka olw'akasana.  
Tulekere okutema emit,  
Endoboozi ekendeere.  
Tusimbe emit,  
Endoboozi egobwe.  
Twesibe ibiri,  
Tulwanhise endoboozi.  
Twege Okukuuma obutonde  
Bwe nsi bukalamu  
Abakulembeze mutaase eighanga.

Ekiidha t'obona kinhaga bitono.

## **Ebibuuzzo**

- (a) Inhonhola amakulu agali mu kitontome ( kikete) kino. ( obubonero 06)
- (b) Inhonhola obukodyo omughandiisi bwakozesa okutoolayo amakulu ag'ekitontome ( kikete) . (obubonero 06)
- (c) Okusinziira ku kitontome kino , ebintu bibonabona bitya? (obubonero 05)
- (d) Ng'osinzirira ku kitontome kino , gha ebintu bitaanu ebindi ebisaine okukolebwa okukomya endoboozi . ( obubonero 05)
- (e) Inhonhola amakulu agali mu bibono bino nga webikozesaibwa mu kitontome kino . ( obubonero 03)
  - i. Okusaaniagho ebisolo
  - ii. Endoboozi egobwe.
  - iii. Endoboozi teroodheka.

## **EMBOOZI**

6. *Soma emboozi eno ghaifo omale oiremu ebibuuzzo ebiiririra:*

### **INHEBANTU VASUTI ADHEEMERA KAYABAZINGA**

Ng'ali kwikonero lye mu kibuga ekikulu Susa ekya Perusia , Kyabazinga Akaswerero yafuganga okuva e Buyindi okutuukira irala e Sudani , n'ebyo ebiketezo ebiswika 127.

Mu mwaka ogw'okusatu mu bufuzi bwe , Akaswerero yakolera abakungube n'abakwenda ab'ensi edhindi embaga makekete .

Abadhaasi ba Perusia ni Media n'abakologho bonaboona baaigho mu kibigiya kino ekyamalira irala emyezi mukaaga emirambirira. Mu kukola kino yayoleka obukombe , ekitiisa n'obugungumavu bw'Obwa kyabazinga . ekibigiya kino bwe kyawa , Kyabazinga era yaakolera

abantu bonaboona ; abakombe n'abakopi embaga enkukutivu eyamalira irala esaasira nnamba.

Abantu baalya era baanhwa baasambisa n'ebigere kuba Akaswero tiyekemamu kugaba mmee n'omwenge omungi otiki! Kyabazinga yakola kino nga n'ree Inhebantu yeena ng'ali kugabula bakazi baine.

Kulunaku olw'omusantu nga Kyabazinga alikunhwa era ng'abugumiriire bya nswiso kyova alagira abairu be omusantu baje mangu na mbiro beete era baleeta Inhebantu Vasuti ng'ataire engule ey'Obwainhebantu amwoleke abakungu n'abageni beerolere obulungibwe era bakikakase bati ezira mukazi yenayeena , yoonayoona mu biketezo 127 awula Vasuti mu Kyabazinga bulungi . Aye ebyenaku ....Vasuti yadheemera ekiragiro kya Akaswero era yaaloba okwidha ! Kino kyaniiza Kyabazinga ebitaloodheka. Kyova Kyabazinga yeebuuzaku abakenkufu mu mateeka eky'okukola .

Agho mukulu waibwe yakobera Kyabazinga n'abakungube ati: Inhebantu Vasuti tanoomeye ighe wenka aye anoomye n'abakungu era Mazima n'abasaada bonaboona mu bwa Kyabazinga bwo bwona bwona . Buli mukazi mu bwakyabazinga buno aidha kutoolera okunhooma iba ghaanaawulira Inhebantu kyakoze , era ezira mukazi anaagondera iba kabiri!

Abana mateeka n'olwekyo baamusaba atoole Vasuti ku Bwainhebantu era enguleye bagighe omukazi owundi ow'empisa anaaba alondeibwa. Kino Kyabazinga ya kisiima inho era yaaghandiikira buli kiketezo Ekighandiiko ekikoba kiti ; Buli musaadha n'agwaine okuba omukulembeze w'amakaage.

Oluvain huma Iw'okunonhenkereza einho , Eseza ( Esther ) omuyudaaya yaanhwa mu baine akendo era yaalya obwainhebantu!

Translated from Good News Bible Esther 1:1-21, 2:1-18

**Ebibuuzzo;**

- i. Ghandiika omutwe ogundi ogusaanira emboozu eno . (obubonero 02)
- ii. Omughandii akozesu bukodyo ki okutoolayo ekigendererwakye? (obubonero 04)
- iii. Emboozu eno ekwegeresaki? Inhonhola. (obubonero 04)
- iv. Lwaki kyabazinga yakola embaga makekete? (obubonero (03)

- v. Mu kubonakwo Iwaki embaga dhaali isatu . ( obubonero 04)
- vi. Kiki ekyaligho ku lunaku olw'omusantu era biki ebyairirira. (obubonero 03)
- vii. Inhonhola ensonga ibiri Iwaki Vasuti baamutoolaku engule. ( obubonero 02)
- viii. Inhonhola aba na mateeka kyebaasalagho .( obubonero 03)

### **EKITUNDU C EMIZAANHO**

#### **JOSEPH MUKWAYA NI GONZA ALICE: Kadaaga**

- 7. (a) Kadaaga mucaala mu bacaala ateerya ntama era omuntu ow'endhawulo okusinzirira ku byakola. Ng'ogha eby'okuboneraku, laga ebimufuula okuba ow'endhawulo. (obubonero 15)
- (a) Inhonhola emiramwa egiri mu muzaanho Kadaaga. (Obubonero 10)
- 8. (a) Masomo ki gooyega okuva mu muzaanho Kadaaga. Gha eby'okuboneraku okuva mu mu muzaanho guno. (obubonero 15)
- (b)Bukodyo ki omughandiisi w'o muzaanho Kadaaga bwakozesa okutoolayo emiramwa egiri mu muzaanho guno? ( obubonero 10)

#### **GONZA ALICE NI MOSES WAMBI Endyege Mu Kibuga**

- 9. (a) Eiralu ly'ensi bwerisumbugha obwongo bw'omuntu, tikimala kukoba oti omusaadha mulalu? Ng'osinzirira ku ndhogera eyo, kubagania ebidhuubo ng'ogha n'ebi'okuboneraku okuva mu muzaanho endyege mu kibuga (obubonero 15)
- (b) Inhonhola obukodyo omughandiisi w'omuzaanho Endyege Mu Kibuga bwakozesa okutoolayo emiramwa egiri mu muzaanho ogwo. (Obubonero 10)
- 10. (a) Inhonhola amasomo agali mu muzaanho *Endyege Mu Kibuga*. (Obubonero 15)
- (b) Inhonhola omulamwa ogw'endyege mu muzaanho endyege mu kibuga. (obubonero 10)

### **BIKANZE GHANO**